

Misteri
Gloriosi



Cristu già risuscitatu
di la morti triunfatu
comu Re già triunfanti
scarzarau li Patri Santi

S. O gran Vergini Maria
T. Mi rallegru assai cu ttia

Dopu poi quaranta jorna
a lu Patri Gesù torna;
di la terra s'alluntana
a lu celu si 'nn'acchiana

Aspittava 'n cumpagnia
di l'apostuli Maria,
e lu Spiritu di Diu
da lu Celu cci scinnù

Maria chiù nun putia stari
supra 'a terra ad aspittari:
'n mezzu l'angiuli fu assunta
'n corpu e arma 'ncelu junta

Di Maria cu soni e canti
festa ficiru li Santi;
'ncurunata fu Regina
cu putenzia divina

Rosario
di la Bedda Matri

Siti Bedda, Matri di Diu,
stu salutu vi dugnu iu.
Siti bedda e graziusa e cu tutti siti amurusa.
Arcamisedda particulari,
bedda Signura, n'aviti ajutari.
Pi stu figghiu c'aviti 'n mrazza
conciditini la grazia.
E la grazia chi vurria è sarvari l'anima mia.
L'anima mia è consirvata.
Pura, Concetta Immacolata!


S. Pi diecimila voti e lodiamo la nostra regina

T. Pi sempre lodata sia di li miraculi Maria

Diu vi salvi, o Regina, o Maria di beddu Figghiu (bis)
Vi portu un beddu gigghiu (bis) di rosi e ciuri (bis).
Lu gigghiu è lu Signuri di quannu s'incarnau (bis)
E poi santificau (bis) a San Giuvanni (bis),
Nasciu 'nta li campagni e s'apprisintau a lu tempiu (bis)
E detti un grann'esempiu (bis) - pi ogni via (bis)
E dudici anni avia chi si persi lu Signuri (bis)
E mezzu li duttura (bis) - s'arritruvau (bis)
E poi s'incurunau e cu spini assai pungenti (bis)
E iddu alligramenti (bis) - purtau la cruci (bis).
Ittau na ranni vuci virennu a la so matri (bis)
Priau l'Eternu Patri (bis) - e sospirau (bis)
Poi 'ncelu si nn'acchianau cu tutti li so ancili (bis)
E San Michele arcancilu (bis) - e Raffaeli (bis)
E Raffaeli sia e cu Gesu cu Maria (bis).
Viva, viva Maria (bis) dei Miracoli (bis).

Rosario Tradizionale

Maria SS.
Arcamisedda
particulari



Misteri Gaudiosi



Diu ti manna l'ambasciata
chi di l'angiulu è purtata:
di lu figghiu di Diu Patri
già Maria si fatta Matri

S. O gran Vergini Maria
T. Mi cunsolu assai cu ttia

Tu va a visiti cu fretta
la parenti Lisabetta;
e Giovanni chi nun è natu
da Gesù è santificatu

'Nta na vili mangiatura
parturisti, Gran Signura,
a Gesuzzu Bammineddu
'n mezzu un voi e n'asineddu

Turtureddi e palummeddi
comu l'autri puvireddi,
a lu Tempiu Tu purtasti
e a lu Figghiu riscattasti

A Gesuzzu chi pirdisti
lu trovasti e lu sintisti
chi spiegava la duttrina
cu mudestia divina

Misteri Luminosi



Gesù Cristu cominciannu
lu Vangelu a priricari
si nni jù nni Giovanni
e si fici vattiari

S. O gran Vergini Maria
T. Darrè a Gesu vaju cu ttia

Poi a Cana 'nta la zita
cu l'apostoli e Maria
Diu putenti si mustrau
l'acqua a vinu trasfurmau

Pi li strati caminannu
tutti quanti jà mmitannu
a lu Regni du Signuri,
genti bona e piccaturi

'Ncapu 'u Munti s'acchianau
Petru, Giacumu e Giovanni
comu 'u sulì s'addumau
si mustrau Verbu Divinu

Prima di turnari 'ncelu
a l'apostoli mmitau
e cci detti pani e vinu
carni e sangu so divinu

Misteri Dulurusi



Di la Matri si spartiu
Gesù all'ortu si 'nni jù;
e priannu pi tri uri
mannau sangu pi suduri

S. O gran Vergini Maria,
T. La to pena è ancora mia

Li Jurei poi l'attaccaru,
a Pilatu lu purtaru;
e cci dettiru lignati
tanti e tanti vastunati

Re di burla curunatu
cu nna canna sbriugnatu:
chi duluri 'n testa prova
cu ddi spini comu chiova!

A la morti è cunnannatu
comu latru cchiù sframatu,
la so Cruci allegru porta
e nun c'è chi lu cunforta

A la vista di so matri
Crucifisso cu ddui latri
mori a forza di duluri
l'amurusu Redenturi